

## Cengèkenikuo

M'bé ti juu muo mé yô, pe 'jo: Nàguo wàa puu bāa kùo, à wi gbénè ké si'i mé gè kîe,  
Je vais te raconter, il y avait un homme, lorsqu'il allait au champ.

pe wi ye Cengèkénikúo.

on l'appelle Cengekenikuôh.

Cengè kénì kúo ñàa wè, bà wi 'ké si'i mé gè né sèni gbobi wè,

Ce Cengekenikuôh là, lorsqu'il va au champ,

pe bé gá bā wi kpúon kàbu'u ní wī, dí wi né béli ki cén pe jo wirè sá lii wè. Mè, wirè  
nigbe wi yāa wi yé sii. Muo ti lú'u í? Nàgabile nigbiile. Bon, bà wi gbénè sèni tuu báara  
nē dè wè kîe, à wi fali nē wi mí'ε le gè nε wi ye Cengèkénikúo. Bà pe péni wi kpúon  
kàbu'u ní gè "kpùu" wè kîe, wi nē fali nē jo «Mi cengè ki kénì kúo.» Bà wi ké né sèni  
gbobi wè, bà wi tásòbéliwe kpúo wè wè, wi nē tuu "kpìbi", muo ti lú'u í?

on devra aller le frapper avant qu'il sache qu'il est temps de manger. Mais, il est l'unique  
fils de sa mère. Eh bien quand il commence le travail, on lui a donné le nom de  
Cengekenikuôh. Lorsqu'on le frappe avec un coup de bâton, alors il sait qu'il est temps  
d'aller manger; tu comprends?

Bà wi wirè kpúon nē kúo mmè gè wi nē fali nē ñúnugo le wī, níè nε fali nε waa wī.

Bà wi 'ñúnugo gāa le gè wè, à muo jo mi ki ñúu, m'bé ki ñúu.

- Ki bé mi déni muo ki ñúu gè.

Mi ki ñúu kîe?

- ?uun.

Bà wi 'ñúnugo le gè wi nē fali nē jo

Tíitii tooo, vòbi

Tíitii tooo, vòbi

Tíitii tooo, vòbi

Tíiti tooo, vòbi.

À wi yāa wi kénì kón āan, wi nē péni kàbu'u tí'ε nē sèni wi kpúon "kpù" sènne nī gèle.

Wi nē jo: «"kúŋ", mi cengè ki kénì kúo. Lèle n'nò lé?» Wi nē jo «'aan, sā gbuo.»

Bà wi sèni gbuo wè wè, wi nē n'nè yè nē péni ki su'u cígini, wii ní téni ñó wī díe!

Tíitii tooo, vòbi

Tíiti...

À (...) diεjuo kénì yè bāa yô, nē péni wi ye: « Bà muo pùo ñàa wii nigbe níε báara kúu dè  
mmè gè, [dí] à ñù'ó ki kúo wèee, ma wi kpúu úu, ma wi cùn'ó óon, má wi tón. À muo wi  
tón wè ée, wi bé bā yiri piile ni'εbele, pe bé buu siceri, nàgabigele siceri.

À ke 'yiri nàgabigele siceri wè, pe bé dē báara dē dōri gāa nē gè.» À wi jo: «oo lé?» Wi  
'jo: «'aan.»

Bà ñù'ó ki báara ti péni kúo péwu, à pe yaliire líe dè nē ti téngε kpógori dè, à wi tuu

nàgabile nē lè nè ni kpúu nè ni cùn'ɔ, tièye siceri, nè sèni tón.

Bà wi sèni wi tón wè e, ηù'ɔ pèni jíin wè, wí jē nàgabile nyaa lè?. Wí jē nàgabile nyaa lè?. Wí jē nàgabile nyaa lè?. À wi yi'ε nè kò sínjapíle. Sínjapíle náà lè, à muo ki nyaa muo sien ó sien nε kèle kòrisii wè muo bé buu bè sínjapíle cén lè.  
Donki, n'nè sèni tēni tiige nī níè fali nè jo:

«Dàala pìile yo, dàala pìile yo, ηù'ɔ 'jíin, ηù'ɔ 'jíin, ηù'ɔ 'jíin.»

À ki fali nè kò mmè gè wirè kaliεε yô, wí ní gbè sienmε woli nyuo óon; nè fali nè kò sínjapíle sēni.

Kirè nē à nàgabile yē muo mé, ni cε yē nàgabi nigbiile yoo, -ni ya?a bāà. Nī muo mé mēni yoo, à sien cénì muo ye «muo pùɔ ηáà wí kùrukurugo, à muo wi kpúu, wí jē bā wi wuu ken muo mé díε! Wàa sì jē wi wecēnwε ken muo mé?.

Kirè nē pe sí jo à muo pùɔ yē koliwo, wi ya?a bāà. Wí mēni yoo, ma wi ya?a bāà; wàa sì jē gá wi wuu ken muo mé?. Muo wu'ɔu gī. Kuloceliε 'yege ó yege nyaa ki bé nyuo muo sien ó sien nē, kirè wi nē ken muo mé.